



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Kurtzes Handtbüchlein/ vnd Experiment/ vieler Artzneyen/
durch den gantzen Körper des Menschens/ von dem
Haupt biß auff die Füß**

Ryff, Walther Hermann

Straßburg, Anno M.DC.XIV.

Allerhandt Geschwär.

urn:nbn:de:hbz:466:1-43769

Nacht/ vnd Morgens gedruncken/ ist gut für die fallende sucht.

Seldrömmel gedruncken mit Wein/ vnd darunder gemischt langen Pfeffer/ ist gut für die fallende sucht.

Verbena auß der Erden gebrochen/ so die Sonn ist im Widder/ mit Peonien Körner umbhangen/ vnd an den halß gehenckt/ ist gut zu der fallenden sucht.

Was die Melancholey vertreibet.

Seud Alantwurtzel in lauterem Wein/ vnd laß den kalt werden/ darnach stoß darein ein glüenden Stahl/ das der Wein zum anderumal warm werde/ vñ drinck den Wein als warm du den leiden magst/ der Brand vertreibet die Melancholey.

Gold benimmet die Melancholey von dem Menschen.

Ambra benimpt die Melancholey/ wann man die oft nützet.

Seud Borragen safft mit Senet/ vnd wann er genug gesotten hat/ so solle man alsdann den durch ein Duch seyhen/ vnd darunder mischen den Syrup/ gemacht von Borrago/ vnd den geduncken des Abends vnd Morgens/ benimpt die Melancholey zuhand von dem Menschen.

Basilien genutzt/ benimpt die Trawrigkeit/ die da fommet von der Melancholey.

Rhabarbare genützt/ nimpt die Melancholey vnd machet frisch Blut.

Cap. xxxi. Für allerhand Geschwår vnd Blattern/ die da hizzig seind.

Roblauch weicher die Geschwår/ öffnet sie/ vñ reucht auß Lytex/ den gesotten vnd darüber gelegt.

Von allerhand Arhney/

Ibisch samen vnd Leinsamen gesotten/ vnd vornen auff den Hals gelegt/ als ein pflaster/ weicher auff die Geschwâr daran/ vnd nimpt die Sitz darvon.

Wer böse schwarze Blattern hat/ die ihm auffbrechen/ vnd dick seind/ vnd zu des Menschen todt gereichen/ der esse Naronwurtzel oder Kraut/ es hilfft vnd benimpt die Sitz darvon/ vnd heilet sie.

Goldwurtz gestossen vnd gemischer mit Weinhöfen/ vnd gelegt auff die böse Geschwâr/ es heilet sie.

Meisterwurtz mit Gerstenmäl gesotten/ vnd ein pflaster darvon gemacht/ vnd gelegt vber die schwarzen Blattern/ das weicher vnd heilet sie.

Habermäl auff die Geschwâr geleyet als ein pflaster/ es verzehret die Geschwâr.

Die blätter von einem Eychbaum/ gelegt auff ein Geschwâr/ benimpt die Sitz/ vnd heilet das zuhand.

Vehedistel kället alle hitzige Schäden / vnd Geschwâr.

Welcher ein böse Blattern an seinem Leib hat / der nemme Ochsen mist mit Eßig vermischer/ vnd lege es darauff/ es zeucht zu hauff den Eyster/ gleich einem Ziehepflaster/ vnd heilet ohn Schaden.

Chamillen gesotten mit Wasser/ vnd die gelegt auff die harten Geschwâr/ weicht vñ sänffiget den schmerzen/ vnd treibet auß Eyster.

Wachs weicht die harten Geschwâr/ vnd machet sie zeitig vnd auß gehend / Darumb mag man Wachs brauchen zu Wunden/ Geschwären/ Beulen/ vnd zu allen Salben.

Endwien safft von den blättern/ gelegt auff die hitzigen Blattern/ zeucht die Sitz darauß/ vnd kället sie fast wol.

Seygen gestossen vnd Honig darunder gemischer/ darauß gemacht ein pflaster/ vnd auff die harten Geschwâr gelegt/ weicher sie.

Kornblumen gemischer mit Bleyweiß vnd Baumöl/ vnd

Das Erste Buch.

lyvij

öl/ vnd darauß gemacht ein pflaster/ kület vnd heilet alle hitzige Blattern.

Die Körner in den Granatöpfeln gemischt mit Honig/ vñ die bösen hitzigen Blattern damit geschmieret/ zeucht vil Hitz auß.

Den safft von Braunwurz gemengt mit Harz vnd Wachs/ vnd darauß gemacht ein Salb/ zeucht fast. Das ist die beste Salb zu den Schwären vñ Blattern.

Roschwanz kraut gelegt auff alle hitzige Blattern vnd Geschwår/ als ein pflaster.

Welcher Geschwår hat an dem Leib/ der nemme ein blat Lattich/ vnd mache so groß als das Geschwår ist/ streich darauff Honig/ vnd lege es auff das Geschwår/ vohin ehe sie auffbrechen drey tag vnd nacht/ vnd wenn die pflaster trucken werden/ so sol man aber andere darauff legen/ die da frisch seind/ das Geschwår heilet davon ohn zweiffel/ vnd diß ist offttermals probiert worden.

Lapparium/ groß Kletten/ hat die Tugend/ mäßig durchdringend/ vñ außziehend böse materij/ darumb dienet sie fast wol für böse Blattern/ den Syter zu ziehen.

Wilder Alee samen/ Sibengezeit samen/ vnd Leinsamen/ jeglichs gleich vil/ misch darunder Eyerdorret vnd mach darauß ein pflaster/ vnd lege es auff die Geschwår/ die da verhartet seind/ diß weicht die gar bald.

Wicken gesotten mit Honigwasser/ vnd den gestossen/ den gemischt mit Mal auß Seno greco/ darauß gemacht ein pflaster/ vnd gelegt auff ein hitziges Geschwår/ es weicht das/ vnd kület wol.

Welcher ein böse Drüß hatte an seinem Leib/ der nemme die wurzel von spitzigem Wegerich/ vnd brat die bey dem feur/ vnd lege sie darauff also warm.

Ein pflaster gemacht von Nachschatten blattern/ vnd legs auff die hitzige Geschwår/ das zeucht große Hitz auß.

Von allerhand Zerkney/

Terpentin gemischt mit Honig/ vñ auff böse schwarze Blattern gelegt/ benimpt das wehe darvon/ vnd weicher sie bald.

Heyter Zesseln bletter mit Salz gestossen/ vñ vber die bösen Geschwär gelegt/ heilet die.

Weinrebenwurtzel mit Wein gesotten/ vnd auff die heißen Geschwär gelegt/ weicher sie vnd zeucht das Eytern darauß.

Wilt du Geschwär oder Blattern auffheben.

Knoblauch weicher die Geschwär/ öffnet sie/ vnd zeucht fast auß den Eytern/ den gesotten/ vnd darüber gelegt.

Cantharides/ Wärmlein also genandt/ die gesotten mit öl/ vnd auff die Geschwär gelegt/ verzehret sie/ vñ machet sie auffbrechen.

Nimb vngelöschten Kalck/ vermengt mit Laugen/ drucken ab gesotten/ vnd den Kalck auff ein harte Apostenemen gelegt/ erzet das auff/ vñ macht ein loch darein.

Selweißkraut gestossen/ vnd auff ein giftiges Geschwär gelegt/ bricht es ohn alle wehe.

Nimb mel von Seno greco/ das gemischt mit Eytern dottern/ vnd auff die Geschwär gelegt/ erzet sie auff.

Klein Schwertelwurtzel weicht die Geschwär auff/ die man sonst auffhawen muß.

Groß Kletten gesotten mit Schmalz/ vnd gelegt auff die harten Geschwär/ weicher sie fast bald/ vnd zeucht auch zusammen die böse matererey vnd eyter/ heylet darnach desto ehe.

Bletter von dem Flachs gelegt auff ein zeitliges Geschwär/ so machet es zuhand ein loch darein/ also das man das Geschwär nicht auffhawen darff.

Senfflamen gestossen mit Allantwurtz/ vnd gelegt auff die zeitigen Geschwär/ bricht sie zuhand auff/ das man sie nicht darff auffschlagen.

Sevens

Sevenbaum ezet auff die Geschwâr/ vnd benimpe
den schmerzen.

Für Geschwâr von kalter feuchte.

Stabwurz resolviert Apoffemē/ die kalte feuchtige
keit in ihnen haben/ die gesotten mit Quitten kernen/
vnd das gedrencken.

Rosmarinwurz gestossen/ vnd gemischt mit Honig/
vnd auff die Geschwâr gelegt/ weicht sie zuhand.

Den saft von Boberellen gestrichen auff die Geschwâr/
heilet sie.

Berenflaw bletter mit Schweinenem schmalz gestossen/
ist gut auff die Geschwâr gethan/ die da kommen von kalte vnd feuchtigkeit.

The lenger ihelieber das kraut/ dienet fast wol den bösen
Blattern vnd Geschwären/ sonderlich den zerschwellenen
Brüsten/ die voll Eyster seind/ das kraut mit dem samen in
Wasser gesotten/ vnd darauff gelegt mit einem pflaster.

Für die bösen Rauden/ Morphea

genandt.

Knoblauch äsch mit Honig vermischet/ vnd auff die bösen
Rauden gestrichen/ benimpt die bösen Rauden.

Ibischwurz gestotten/ vnd gemischt mit Eßig/ nimmet hin die bösen
Rauden.

Sawrampffer gestossen/ vnd über die bösen Rauden gelegt wie ein
pflaster/ heilet sie.

Zwyblen gesotten mit Eßig/ vnd dieselbtige Haut damit
gewaschen/ nimpt die unreine Haut.

Für die Rändigkeit.

Bawren Eppich saft ist gut den Rändigē/ die haut damit
bestrichen.

Solwurz gepülvert/ vnd gemischt mit Eßig/ ist gut

Von allerhand Krzney/

gut den Rändigen darmit gewaschen.

Kalz gemischer mit Rosenwasser vnnnd Erdranch
wasser/ vnnnd die schädige Haut darmit gewaschen be-
nimpt die Rauden/ vnd machet sie schön.

Wiltu heilen die bösen Rauden/ so nimb Agleyen/
vnd meel von Weizen/ vnd die vnder einander vermit-
scher mit Weinsteinöl/ vnnnd striche damit die Rauden/
es heilet die zu hand.

Vmb Erdranch safft zwey loht vnnnd darunder ge-
mischer Zucker/ vnnnd das eingenommen mit warmer
brüh/ benimpt die Rauden/ vnd zu diesem safft mag
stu nehmen drey loht Fenchelsamen.

Silberglätt gemischt mit Eßig vñ Salz/ benimpt
die Rauden/ damit gewaschen.

Sußlattich safft gestrichen auff die Grindige haut/
heilet den Grund zu hand.

Welcher an seinem Leib Rändig were / der nütze
Brombeersafft/ vnd schmier damit den Leib in einem
Bad/ die Haut wirdt glatt vnd schön.

Ein pflaster gemacht von Gerstenmäl / darunder
gemischer Quittenkern vnd Eßig/ vnd gelegt auff die
hizigen Rauden es heilet sie.

Peterlinsamen gestossen/ vnd gelegt auff den bösen
Grund/ saubert fast wol/ vnd macht ein glatte Haut.

Stoß Goldröbletter/ weil sie grün sind/ vnd lege es
auff die Rauden/ es heilet sehr.

Vmb Salbeyblätter mit den stengeln/ vnnnd Oder-
menig vnnnd seud den mit Regenwasser/ vnd trincke
das/ vnd wäsche die rändige Haut darmit/ es hilfft.

Das öl gemacht von Chamelheu / dienet wol dem
rändigen Menschen/ die Haut damit geschmiert.

Mit Seyffen gesalbet die grindige Haut/ heilet den
Grund/ dörret ihn fast.

Der safft von Springwurz vber die rändige Haut
gestrichen/ heilet die zu hand.

Seyter Tresseln gesotten/ vnd die rändige Haut dar-
mit

mit gewaschen / reiniget vnd heilet die zu hand.

Für den Wolff am Leib.

Odermenig grün vnd frisches gestossen / vnd auff die bösen Geschwür gelegt. Davon sich erhebet der Wolff / er geneuht ohn zweiffel.

Cypressen Näß gestossen / vñ gemischer mit Seygen / vnd darauff gemacht einen Deyg / diser Deyg nimpt den Wolff.

Ein weiße Salb gemacht von Kalk / vnd auff den Wolff gelegt / wie ein pflaster. Nimb Bleyweiß zwey loht / vnd Kalk ein loht / vnd weiß Wachs darunder gemischer / dise Salb ist gerecht.

Geißblat wasser / dienet wol zu dem Wolff.

Der safft von Tag vñ Nachtsamen vber den Wolff geschmieret vnd gelegt / es hilfft.

Für den Krebs.

Odermenig in aller Speiß gessen / ist dem fast gut der den Krebs hat / denn er geneuht zu hand.

Bawren Eppich safft heilet den Krebs / gemischer mit Eßig / vnd darauff gethan wie ein pflaster / neun tag nach einander / so hilfft es.

Nimb Osterluccey vnd Aleopaticum / jegliches gleich vtel / vnd mische darunder Rosenhonig / vnd mache darauff ein pflaster / diß ist gut gebraucht zu allen alten Schäden / als da ist der Krebs / fistel / der Wolff / wie die sein mögen / an den Beinen / vnd anderswo / heilet es länffiglich / darauff gelegt / vnd die Schäden / oder Bresten / sollen vorhin gesäubert werden mit Weins steinöl / oder Wasser / daß mit Wyrthen gesotten ist.

Die blätter von Rosmarin vertreiben den Krebs / die darauff gelegt.

Alaun gepulvert / vnd gemischer mit Regenwürmen / vnd darauff ein Salb gemacht / dise Salb dienet wol zu dem Krebs / darüber gestrichen / vnd darauff
gelegt /

Von allerhand Arzney/

geleget / gleich wie ein Pflaster.

Köbel gepülvert / vnd mit Honig gemischet / vnd
gelegt da der Krebs wächst / heilet ihn.

Heyter Messelen samen gepülvert / vnd vber den
Krebs gestrichen / heilet ihn.

Für die Fistel.

Ein Laug gemacht von Bircken äschen / vnd die Fi-
stel damit gewaschen / oder mit Alaunwasser / darnach
Holwurz darein gestrewet.

Ein pflaster von Habermel / vñ mit Lorbeeröl ver-
menger / ist gut wider die Fistel.

Alaun gepülvert / vñ gemischt mit Regenwürmen /
vnd darauß gemacht eine Salb / diese Salb heilet die
Fistel.

Eschen gemacht von Maurrauten / vñ in die Fistel
gelassen / heilet sie.

Chamedern gestossen / desgleichen das Öl darvon
gemacht / vnd in die Fistel gelegt / vnd darein gelassen /
heilet die zuhandt.

Weiß Viehwurz safft in die Fistel gelassen / heilet
sie wol.

Gebrandt Erz gemischet mit Honig vnd mit Seife
fen / vnd diß gelassen in die Fistel / heilet sie.

Negelenkraut gestossen / vnd den safft in die Fistelet
gelassen / heilet die zuhandt.

Numb wild Schwerelwurz ein loht / vnd mische
darunder Spangrün vnd Weinsteinöl / jeglichs ein
quintlin / vnd lege das darauß / gleich einem pflaster /
das suchet den grundt / vnd heilet den schaden / vnd diß
ist bewährt worden.

Alein Waterwurz gepülvert / vnd gemischet mit
Eßig / vnd das lassen stehen so lang / biß das pulver
drücknet im Eßig / diß gethan in die Fistel / vnd in alle
böse Schäden / reiniget die fast wol / vnd heilet die zu-
handt.

Wilden

Das Erste Buch.

lyx

Wilder Klee samen ist der aller best samen den man finden mag/ zu den Fisteln/ zu dem Krebs/ vnd Seygblattern.

Zeitlosen gepulvert vnd gemischt mit Venedischer Seyffen/ vnd gemacht ein wiechen mit Baumöl/ vnd diß in die Fistel gelassen/ also/ das daß puluer mit dem Seyffen vmb den wiechē hang/ es heilet die ohn zweifel bald.

Wegdritt safft heilet die Fistel/ darein offft gesprizet ohn vnderlaß.

Breiten Wegerich safft in die Fistel gelassen/ heilet die.

Der safft oder die milch von Springwurtz in die Fistel gelassen/ heilet sie von grund auß.

Erdsyffel gepulvert/ vñ in die Wunden der Fisteln mit wiechen gelegt/ reiniget das faul fleisch auß.

Für ein Blattern/ Carbunculus

genandt.

Coriander ist gut den heissen Geschwären/ vnd sonderlich einer Blattern/ geheissen Carbunculus/ das ist/ ein Blatter/ die ist schwarz vnd fast giftig/ vnd gleichet der pestilenz/ vnd gluzet gleich einem Carfunkelstein/ den eingenommen mit Eßig vnd Rosenöl/ oder mit Honig.

Springwurtz safft oder milch/ nimpt die schwarze bösen Blattern.

Für das Kohllauffen/ oder Gesegnet.

Binsaugen kraut gestossen/ vñ gelegt auff dz Kohllauffen/ vnd auff das Gesegnet an einem Glyd/ wo dz were an einem Menschen/ es zeucht die hitz darauß/ vnd heilet von stundan.

Ein pflaster gemacht von Wänscherling safft/ vnd gelegt auff das Gesegnet/ kület das/ vnd setzet den schmerzen.

Krebs

Von allerhand Arzney/

Küßwasser mit Rosenöl vermischet/ vnd auff das
Gesegnet gestrichen/ kület es.

Wigwarten blumen vnd wurtzeln zerstoßen/ vnd
über das Gesegnet gethan wie ein pflaster/ es kület.

Welcher das Gesegnet hat/ der esse allezeit Blut/
wurtzel sie vertreibet das zuhand.

Sawdistel gestoßen/ vnd den safft darauß gelassen/
nimpt das Kohlauffen oder Gesegnet.

Der safft von Leinkraut/ vnd den safft von Bibe/
nell/ vnder einander gemischer/ vnd auff das Gesegnet
gestrichen/ benimpt es.

Wicken gestoßen/ vnd vermischer mit Essig/ ist gut
für das Kohlauffen/ darauff gestrichen/ gleich einem
pflaster.

Fanßfingerkraut gesotten mit Essig/ vnd geleget
auff das Kohlauffen/ zeucht grosse hitz darauß.

Palma Christi/ die bletter zerstoßen/ gleich als ein
pflaster/ auff das Kohlauffen gelegt.

Sevenbaum in Wasser gesotten/ ist gut für das
Kohlauffen.

Maurpfeffer ist gut wider das Gesegnet.

Welchen Kindern das Kohlauffen geferd ist/ den
sol man Freyßamkraut ein wenig in den Brey schne/
den/ oder man sol ihnen zu trincken geben Freyßam/
wasser/ sie genesen zuhand.

Cap. xxxij. Für die Ausschäz- keit.

Roblauchs äsch mit Honig vnd Meybutter
gemischet/ macht ein glatte Haut/ die mit Räu/
digkeit vñ Ausschäzigkeit vberzogen ist/ sich dar/
mit bestrichen nach dem Bad.

Goldwurtz vnd Alaun gebrandt vñ gepülvert/ vnd
mit wenig Honig vermischer/ vnd die Ausschäzige Haut
damit geschmieret/ es hilfft.

Ein

Das Erste Buch.

lxxij

Ein pflaster gemacht mit Haberen/ darunder damit
mischer Griesmäl/ vnd auff die Auffszigkeit gelegent
Gold gerieben zu puluer. vñ das gessen/ verzehret die
Auffszigkeit. vñ stärcket alle Glyder des Menschen.

Wer sich außwendig an dem Leib bestreichet mit
Balsam/ der wird nicht Auffszig.

Mit Schölkwurz safft bestrichen die Auffszigkeit/
benimpt die/ vnd darnach neun tag alle Morgen/ vnd
des Abends/ gebrauchet den Syrup / gemacht von
Erdranch/ vnd alle tag mit dem safft bestrichen.

Camhar des wärmelein/ seind gar oft bewärt wor-
den/ die Auffszigen Beulen damit zuvertreiben/ die
darauff gelegt mit einem pflaster/ es hilfft.

Dise Salb heilet die Auffszigkeit/ die darüber ge-
strichen. Vmb Bleyweiß zwey loht/ Kalck ein loht/
weiß Wachs darunder gemischer/ vnd ein Salb dar-
aus gemacht.

Rassbrüh ist den Stechen fast nutz/ dann sie larteret
vnd weicher die gänge des Stulgangs/ vnd kräftiger.
Dise brüh soll gemacht werde von den besten Schaffe-
käsen die man haben mag.

Von weiß Triefwurz mögen die Auffszigen drin-
cken/ denn sie reiniget die innerliche Glyder/ vnd treib-
et auß die Auffszige feuchtigkeit/ durch Brechen/
Stulgang/ vnd den Harn.

Der safft von Erdranch in der wochen dreymal ge-
druncken nüchteren / ist gut dem Auffszigen/ seine
Aranchheit damit zu mindern.

Der safft von den scharpffen Kletten/ vnd Musöl/
Terpentin/ dises mit einander gesorten/ jeglichs gleich
vil/ darnach gesihen durch ein Duch/ vnd thu darein
puluer vnd Weinstein/ daß das dritt also vil sey/ als
des ersten stuck's/ vnd darauß gemacht ein Salb/ vnd
damit geschmirret den vureinen Grund an dem Leib/
der vberzogen ist mit der Auffszigkeit/ die Haut wird
schön.

B

Von allerhand Arzney/

Item Klettenwurtzel gestossen zu pulver / vnd dar
Ober gemischet Xhabarbara / benimpt alle Feuchtig-
keit in dem Leib / davon entstehn mag die Nalszey / vñ
diß genüzt mit Wein.

Silberglett vermischet mit Essig vnd Salz / nim-
met die Nalszey / die scharpffe haut damit gewaschen /
es hilfft sehr.

Den safft von Brombeeren gesamlet / vnd den ver-
mischet mit dem Syrup gemacht von wilder Salbey-
en / der ist gar gut genüzt zu der Aufferzigkeit. Des
Syrups sol man brauchen alle tag auff ein loht.

Item Schwertel wurtzel / stoß die zu pulver vñnd
misch darunder mäl von Ratten / nimme das ein mit
Essig / diß ist gut den Aufferzigen Menschen.

Perellin samen offft gebraucht / ist gut den Aufferzi-
gen Menschen.

Welcher die rohte Aufferzigkeit hett / der neme den
safft von Costen / safft von Andorn / ein wenig Wein /
vnd Bilsendl / mehr denn der zweyer safft / thue darzu
ein wenig Weinsendl / meng das zusammen / vnd be-
streich dich damit inn einem Schweißbad / so du auß-
gehen wilt / vñnd so du außgehst / so schmier dich gar
sehr. denn sol man haben Böcken vñschlit / dz in einer
Pfannen zerlassen / vñnd damit den Menschen zu dem
andern mal schmieren / darnach leg er sich auff ein weiß
Beih / daß er träcknet / denn sol man nemmen Costen /
die stossen / vñnd darunder mischen Weissen Kleyen / vñnd
das warm machen in einer Pfannen / also legen auff die
Geschwär / vñnd auff die Aufferzigkeit / vñnd darauff ein
Duch binden / vñ also ligen lassen / biß er davon erwär-
met wird / vñnd diß sol man offft thun / so heilet der
Mensch ohn zweiffel / vñnd sol man ihm geben zu essen
das gut Geblüt macht / vñnd verdäwlich ist / vñnd allezeit
Syrupen von Erdrauch / vñ in dem Winter Syrupen
von wilder Salbeyen / vñnd man sol ihm geben ein gut
ordentliche Regiment mit essen vñnd trincken.

Oliban

Das Erste Buch.

lxxij

Olibanum vermischer mit Ezig vnd mit öl/ damit die böse gründige Haut gewaschen/ darvon denn entsteher die Auffszigkeit die Haut wird glatt vnd schön.

Alekraut wurzel gepülvert/ vnd gemischt mit öl/ Knoblauch safft vnd ein wenig Honig/ die böse auffszige Haut damit bestrichen/ heilet sie.

Scabiosa ist gut gebraucht für die Maltzey.

Von Läusekraut mach ein Electuarium für die Auffszigkeit. Nimb Läusekraut ein halb pfund/ send das wol in Wasser/ vnd darnach zerknüttsch den samen gleich einem Brey/ vnd misch darunder ein pfund Zucker/ temperiere das mit dem Wasser/ darinn der same gesotten ist.

Welcher sich besorget vor der Auffszigkeit / der brauche Senet mit dem safft Erdrauch/ in der wochen dre y oder vier mal/ es hilft.

Schwebel gestossen vñ darunder gemischt Bindsharn/ vnd die Auffszige haut damit gesalbet/ hilft ohn zweiffel.

Nimb ein halb maß Ezig/ vnd thu darunder den besten Weinstein/ vñ laß den obernacht darin stehen beyßen darnach setze den also zu dem Feuer/ mische darunder Außöl/ vnd laß stehen ein kleine weil/ mit diesem vnguent schmier die Maltzige haut/ du geneust.

Das Wasser das auß den Weinreben dropffet/ den Leib damit gewaschen/ heilet die Auffszigkeit/ vnd reiniget die Haut.

Cap. xxxij. Zu den Warzen.

S Vermeng mit Ezig/ vnd das gelegt auß die Warzen/ gleich einem pflaster/ vertreibt sie zuhand.

Anacardus vermengt mit Honig/ vñ auß die Warzen gerhan. Basilien samen ist auch fast gut gebraucht/ zu den Warze am Leib wo sie sein mögen/ dz

R. ij